

**PRIRODNO-MATEMATIČKI FAKULTET
UNIVERZITET U TUZLI**

Broj: 02/12-5375/20

Tuzla, 2.11.2020. godine

U skladu sa Naredbom Kriznog stožera Federalnog ministarstva zdravstva broj: 01-33-5472/20 01.10. 2020. godine i Preporuke KŠ Ministarstva zdravstva TK broj: 01-33-5473/20 od 01.10.2020. godine, te Preporukama Zavoda za javno zdravstvo Tuzlanskog kantona broj: 01-374-158/20 od 07.10.2020. godine, Dekan Prirodno-matematičkog fakulteta Univerziteta u Tuzli dana 2.11.2020. godine donosi

**KRIZNI PLAN PRIPRAVNOSTI I ODGOVORA NA POJAVU
CORONAVIRUSA (COVID-19) PRIRODNO-MATEMATIČKOG FAKULTETA
UNIVERZITETA U TUZLI U ZIMSKOM SEMESTRU AKADEMSKE 2020/21.
GODINE**

I CILJ DONOŠENJA KRIZNOG PLANA

Donošenje ovog Kriznog plana ima za cilj dalje praćenje epidemiološke situacije i preduzimanje mjera radi sprječavanja i ranog otkrivanja slučaja bolesti izazvane novim koronavirusom (COVID-19), te podizanje i promoviranje svijesti zaposlenika, studenata i angažovanih spoljnih saradnika kako bi se zaraza sporije širila i minimizirala.

II ORGANIZACIJA NASTAVE U ZIMSKOM SEMESTRU AK. 2020/21 God.

Nastava – klasični način i kombinovano

Nastava, ispiti i odbrane završnih radova na sva tri ciklusa studija u zimskom semestru ak.2020/21. godine, na Prirodno-matematičkom fakultetu organizovati će se na klasičan način uz primjenu svih epidemioloških mjera i preporuka nadležnih organa. Na malom broju predmeta, primarno na onim koji se pokrivaju od strane nastavnika sa drugih fakulteta, nastava se odvija kombinovano online i klasičnim putem. Ukoliko dođe do promjene epidemiološke situacije, u tom slučaju će se nastava odvijati na daljinu.

Konsultacije sa studentima će se obavljati elektronskim i kombinovanim putem.

Organizacija sjednica NNV Prirodno-matematičkog fakulteta se vrši elektronskim putem, s obzirom da ukupan broj članova NNV Fakulteta iznosi 66, odnosno više od maksimalnog broja osoba koje se mogu okupiti u zatvorenom prostoru na osnovu Preporuka KŠ Ministarstva zdravstva TK i Preporuka Zavoda za javno zdravstvo Tuzlanskog kantona.

Dekan Fakulteta ili osobe koje Dekan zaduži vode evidenciju o zaraženim zaposlenicima i studentima, o izdatim rješenjima o samoizolaciji zaposlenika i studenata, te evidenciju o visokorizičnim zaposlenicima i studentima¹.

¹U skladu sa Listom visokorizičnih skupina Ministarstva zdravstva Tuzlanskog kantona I Zavoda za javno zdravstvo Tuzlanskog kantona

Ovaj Krizni plan sastavni je dio Kriznog plana Univerziteta.

II NAČIN PROVOĐENJA EPIDEMIOLOŠKIH MJERA I PREPORUKA NADLEŽNIH ORGANA

Rektorica Univerziteta, u skladu sa Naredbama i Preporukama nadležnih organa donosi Uputstva za postupanje i provođenje mjera sigurnosti i zaštite zdravlja u okolnostima rizika od COVID-19 za zaposlenike, spoljne saradnike, studente, koja čine sastavni dio Kriznog plana, a upoznavanje sa istim vrši se putem Dekana Fakulteta/ADU i putem web stranice Univerziteta (www.untz.ba/akti-uputstva).

III POSTUPANJE U SLUČAJU POJAVE COVID 19

Postupanje studenata vezano za pojavu COVID 19

- student koji ima povišenu temperaturu obavještava o toj činjenici Prodekana za nastavu i studentska pitanja fakulteta i/ili voditelja svog studijskog odsjeka, te ljekara porodične medicine, te ostaje kod kuće i slijedi uputstva ljekara. Prodekan i/ili voditelj studijskog odsjeka prosljeđuje informaciju dekanu fakulteta/Akademije,
- studenti postupaju na isti način i ako su bili u kontaktu sa osobom oboljelom od koronavirusa ili ako imaju riješenje o samoizolaciji,
- student koji u toku radnog vremena osjeti neke od simptoma odmah se udaljava sa nastave o čemu se obavještava Dekan Fakulteta koji slučaj prijavljuje higijensko-epidemiološkoj službi Doma zdravlja Tuzla. Po napuštanju objekta (prostorije), osoblje zaduženo za higijenu dezinficira prostoriju,
- izostanak sa nastave/ispita, u tom slučaju, će se smatrati opravdanim.

Postupanje zaposlenika vezano za pojavu COVID 19

- zaposlenik koji ima povišenu temperaturu obavještava voditelja svog studijskog odsjeka i Prodekana za nastavu i studentska pitanja Fakulteta, te ljekara porodične medicine o toj činjenici, te ostaje kod kuće i slijedi uputstva ljekara. Prodekan prosljeđuje informaciju Dekanu Fakulteta,
- zaposlenici postupaju na isti način i ako su bili u kontaktu sa osobom oboljelom od koronavirusa i ako imaju riješenje o samoizolaciji,
- zaposlenici koji u toku radnog vremena osjeti neke od simptoma odmah se udaljava sa nastave/radnog mjesta o čemu se obavještava Dekan Fakulteta koji slučaj prijavljuje higijensko-epidemiološkoj službi Doma zdravlja Tuzla. Po napuštanju objekta (prostorije), osoblje zaduženo za higijenu dezinficira prostoriju.

IV ODGOVOR NA ORGANIZACIJU RADA U SLUČAJU POGORŠANJA EPIDEMIOLOŠKE SITUACIJE

U slučaju pogoršanja epidemiološke situacije, te donošenja Naredbe nadležnog organa o zabrani izvođenja nastave/rada u obrazovnim ustanovama, uz organizaciju nastave na daljinu, Rektorica Univerziteta saziva hitnu sjednicu Senata radi donošenja odluke o takvom načinu organizacije nastave, te donosi Uputstvo o organizaciji rada zaposlenika u uslovima “rada od kuće”.

U slučaju organizacije nastave na daljinu, bliža uputstva o praćenju realizacije nastave nastavnicima, saradnicima i spoljnjim saradnicima fakulteta daje dekan Fakulteta, u skladu sa opštim aktima Univerziteta.

V NAČIN IZVJEŠTAVANJA I OBAVJEŠTAVANJA

Imenuje se operativni tim na nivou Prirodno-matematičkog fakulteta, u sastavu:

1. Dr Sc. Smajo Sulejmanović, vanr. prof. Prodekan za nastavu i studentska pitanja i voditelj studijskog odsjeka fizika
2. Dr Sc. Mersiha Suljkanović, vanr. prof. Prodekan za NIR
3. Dr Sc. Avdul Adrović, red. prof. voditelj studijskog odsjeka biologija
4. Dr Sc. Amira Cipurković, red. prof. voditelj studijskog odsjeka hemija
5. Dr Sc. Semir Ahmetbegović, vanr. prof. voditelj studijskog odsjeka geografija
6. Dr Sc. Elvis Baraković, docent voditelj studijskog odsjeka matematika.

Operativni tim Fakulteta dužan je sačiniti izvještaj o Kriznom planu organizacije i realizacije nastave (iz tačke II) i podnosi ga Kriznom štabu civilne zaštite Univerziteta na čelu sa Rektoricom jednom mjesečno, a po potrebi i ranije.

Rektorica sačinjava izvještaj o Kriznom planu Univerziteta i podnosi ga Kriznom štabu Ministarstva zdravstva Tuzlanskog kantona jednom mjesečno, a po potrebi i ranije.

Sve informacije osoblju Univerziteta i studentima biti će dostupne putem web stranice Univerziteta i Fakulteta, a po potrebi i putem e-maila i telefonskim putem.

VI NADZOR NAD PRIMJENOM KRIZNOG PLANA

Nadzor nad primjenom Kriznog plana Fakulteta i primjenom Uputstava Rektorice vrši Dekan Fakulteta.

Nadzor nad primjenom Kriznog plana Univerziteta u Tuzli vrši Rektorica.

Dekan Prirodno-matematičkog fakulteta

Dr.sci. Vedad Pašić, red.prof